

# AKT THEMELUES



## I SHOQERISE TREGETARE PRIVATE "EDMELI" sh.p.k.

Unë Sami JAUPI, i biri i Kasos, datëlindja 20.06.1950, banues ne Tirane. Mbështetur në nenin 251, shkronja "c", të ligjit Nr.7512 datë 10.08.1991 "Për sanksionimin dhe mbrojtjen e pronës private, nismës së lirë të veprimtarisë private dhe privatizimit", krijoj shoqërinë tregëtare private me përgjegjësi të kufizuar të quajtur "**EDMELI**" sh.p.k. dhe hartoj këtë akt themelues si vijon:

## FORMIMI

### Neni 1

Formohet shoqëria tregëtare private e quajtur "**EDMELI**" sh.p.k. Shoqëria do të nënshtrohet legjislacionit shqiptar, ndërsa degët që mund të krijohen do të nënshtrohen legjislacionit ku do të ketë selinë dega.

Shoqëria do të ushtrojë veprimtarinë e saj në bazë të këtij akti themelues dhe statutit të shoqërisë që do të miratohet nga ortaku themelues.

## VEND-QENDRIMI I SHOQERISE

### Neni 2


Vend-qëndrimi i shoqërisë tregëtare private "**EDMELI**" sh.p.k. do të jetë në **Lagja: "Komuna e Parisit", nr. 7, Tirane.**

Shoqëria do të hapë edhe vend-qëndrime të tjera të dyta, degë, filiale, përfaqësi dhe agjensi, në të gjithë territorin e Republikës së Shqipërisë dhe me miratim të organeve kompetente edhe jashtë vendit.

## OBJEKTI I VEPRIMTARISE

### Neni 3

Shoqëria do të zhvillojë veprimtarinë e saj në fushën e tregëtimit të mallrave të ndryshme industriale dhe ushqimore, elektroshtëpiake, dyer e dritare të llojeve të ndryshme, paisje shkollore, ndertime, elektroteknike, materjale ndertimi, pjese të ndryshme për lloje të ndryshme automjetesh, konfeksione, bare dhe restorante, prodhim e trgtim buke masive për popullatën, bujqësore e



blegtorale, transport per vete dhe per te tjeret, karburante dhe lubrifikante, me shumicë e pakicë, import dhe eksport.

#### **Neni 4**

Për kryerjen e veprimtarisë së saj, shoqëria do të hapë njësi tregëtimi, shërbimi dhe përpunimi dhe do të bashkëpunojë me persona fizikë dhe juridikë, vendas dhe të huaj.

### **KOHEZGJATJA E SHOQERISE**

#### **Neni 5**

Kohëzgjatja e shoqërisë do të jetë me një afat të pacaktuar dhe mbi 10 vjet. Ajo mund të shpërbëhet në çdo kohë dhe për çfardo lloj shkak.

### **KAPITALI I SHOQERISE**

#### **Neni 6**

Kapitali fillestar i shoqërisë private "**EDMELI**" sh.p.k. do të jetë 100.000 lekë dhe do të përbëhet nga kapitali i ortakut të vetëm themelues të shoqërisë.

Kapitali fillestar mund të shtohet ose të pakësohet sipas vendimit të ortakut.

Kuota e ortakut është e gjitha e emëruar dhe e pandashme. Kapitali është tërësisht i shlyeshëm dhe i nënshkrueshëm.

#### **Neni 7**

Ortaku duhet të bëjë përpjekje për rritjen e potencialit ekonomik të shoqërisë, të ruajë sekretin e saj dhe të mos dëmtojë interesat e personave të tjerë.

### **DREJTIMI I SHOQERISE**

Shoqëria do të drejtohet nga administratori i saj, ortakut i vetëm themelues i shoqërisë, **z.Sami JAUPI**

#### **Neni 9**

Të ardhurat neto të shoqërisë i takojnë ortakut të vetëm themelues të shoqërisë.

## **Neni 10**

Administratori cakton edhe administratorë të tjerë të vlerave materiale të shoqërisë. Ai ka të drejtë të caktojë financiarë, likuidator për problemet e shoqërisë, si edhe të pajtojë persona të tjerë si ortakë. Financieri nxjerr rregullisht treguesit financiar tre mujore, gjashtë mujorë dhe vjetore, për aktivitetin e kryer të shoqërisë.

## **Neni 11**

Konfliktet që mund të lindin midis palëve do të gjykohen në Gjykatën e Rrethit Tiranë, sipas statutit të shoqërisë, kontratës të lidhur me palët dhe në zbatim të legjislacionit shqiptar.

## **Neni 12**

Shoqëria ka vulën e saj me madhësi të zakonshme, me rrethin për tekstin e saj.

## **Neni 13**

Shoqëria deklarohet e krijuar në zbatim të plotë të normave të statutit dhe në përputhje me legjislacionin shqiptar në fuqi dhe veçanërisht të Ligjit Nr. 7638 datë 19.11.1992 "Mbi krijimin e shoqërive tregëtare".

## **Neni 14**

Ky akt themelimi do të hyjë në fuqi pas marrjes së lejes nga organet kompetente.

## **Neni 15**

Akti i themelimit u përpilua në disa kopje për t'iu shpërndarë organeve kompetente dhe një kopje do të mbetet në dokumentacionin bazë të shoqërisë tregëtare private **"EDMELI" sh.p.k.** sh.p.k.

Akti i themelimit nënshkruhet rregullisht nga ortaku themelues.

**ORTAKU THEMELUES I SHOQERISE**

**"EDMELI" sh.p.k.**

**Sami JAUPI**



# STATUT



## I SHOQËRISË ME PËRGJEGJËSI TË KUFIZUAR "EDMELI" sh.p.k.

Unë Sami JAUPI, i biri Kasos, datëlindja 20.06.1950, banues në Lagja : "Komuna e Parisit", nr. 7, Tirane, vendosa të miratojë statutin e shoqërisë tregëtare private "EDMELI" sh.p.k. si vijon :

### KREU I PARE

#### EMERTIMI, SELIA, KOHEZGJATJA, KAPITALI, OBJEKTI.

##### Neni 1

Shoqëria emërtohet "EDMELI" sh.p.k.

##### Neni 2

Selia e shoqërisë private "EDMELI" sh.p.k. do të jetë në Lagja: "Komuna e Parisit", nr. 7, Tirane.

##### Neni 3

Kohëzgjatja e shoqërisë është mbi 10 vjet. Shoqëria e fiton personalitetin e vet nga momenti i regjistrimit në regjistrin tregëtar, pranë Gjykatës së Rrethit Tiranë.

##### Neni 4

Kapitali themeltar i shoqërisë do të jetë 100.000 lekë, pronë e ortakut të vetëm. Kapitali fillestar i shoqërisë mund të ndryshohet sipas vendimit të ortakut të vetëm themelues të shoqërisë.

##### Neni 5

Shoqëria do të zhvillojë veprimtarinë e saj në fushën e tregëtimit të mallrave të ndryshme industriale dhe ushqimore, elektroshtëpiake, dyer e dritare te llojeve te ndryshme, paisje shkollore, ndertime, elektroteknike, materjale ndertimi, pjese te ndryshme per lloje te ndryshme automjetesh, konfeksione, bare dhe restorante, prodhim e trgtim buke masive per popullaten, bujqësore e blegtorale, transport per vete dhe per te tjeret, karburante dhe lubrifikante, me shumicë e pakicë, import dhe eksport.

## **KREU I DYTE**

### **DREJTIMI DHE ADMINISTRIMI I SHOQERISEË**

#### **Neni 6**

Ortaku i vetëm është organi më i lartë i shoqërisë.

#### **Neni 7**

Hyjnë brenda detyrave dhe kompetencave të ortakut të vetëm si më poshtë:

1. Ndryshimi i aktit të themelimit dhe i statutit të shoqërisë.
2. Miratimi i buxhetit vjetor, i raporteve të administrimit, i inventareve dhe i bilancit dhe llogarisë.
3. Zgjedhja e administratorëve jo-ortakë dhe caktimi i detyrave dhe i kompetencave të tyre, me përjashtim të atyre që shënohen në statut.
4. Aprovimi i garancive që ka shoqëria.
5. Miratimi i çmimeve për mallrat që trajton shoqëria, si edhe i tarifave të shërbimeve të saj.
6. Pranimet në punë dhe largimet nga puna.
7. Caktimi i vulës dalluese të shoqërisë.
8. Kryerja e të gjitha veprimeve të administrimit të shoqërisë në emër, për llogari dhe për interes të saj.

#### **Neni 8**

Administratori jo-ortak përveç detyrave që i cakton ortaku i vetëm ka edhe këto detyra dhe të drejta:

1. Të mirëadministrojë pasurinë e shoqërisë.
2. Të bëjë marrëveshje me të tretët brenda objektit të veprimtarisë së shoqërisë dhe kompetencave të caktuara nga ortaku i vetëm.
3. Të zbatojë rregulloren e brendëshme të shoqërisë.
4. Të përgjigjet për dëmet që i sjell shoqërisë nga veprimet e tij.
5. Të paguhet për punën e kryer në bazë të marrëveshjes së bërë me ortakun e vetëm.
6. Të marrë të dhëna dhe të bëjë propozime për gjithçka që e çmon të dobishme për shoqërinë.


## **KREU I TRETË**

### **TE DREJTAT DHE DETYRAT E SHOQERISEË**

#### **Neni 9**

Shoqëria ka të drejtë:

1. Të importojë dhe të eksportojë mallra në bazë të interesave që ka në përputhje me objektin e veprimtarisë së saj.

- 
2. Të sigurojë pasurinë e vet.
  3. Të marrë kredi në lekë dhe në valutë nga bankat vendase dhe të huaja në bazë të rregullave ligjore.
  4. Të përfitojë nga favoret që i njeh legjislacioni shqiptar lidhur me tatimet dhe të tjera.
  5. Të investojë kudo në Shqipëri, nga të ardhurat që realizon gjatë ushtrimit të aktivitetit të saj.
  6. Të punësojë punëtorë të thjeshtë ose të kualifikuar, vendas ose të huaj.
  7. Të eksportojë lirisht valutën që ka realizuar nga fitimet e saj .

#### **Neni 10**

Shoqëria ka për detyrë:

1. Të sigurojë kapitalin themeltar në formën dhe kohën e duhur.
2. Të japë garanci për mallrat që trajton dhe shërbimet që kryen.
3. Të sigurojë punonjësit e saj.
4. Të plotësojë detyrimet fiskale dhe sociale që ka ndaj shtetit, si edhe detyrimet kontraktuale ndaj cilitdo.
5. Të respektojë standartet shtetërore si edhe të gjitha rregullat që lidhen me veprimtarinë e saj.

### ***KREU I KATERT***

#### ***MARRREDHENIET EKONOMIKO-FINANCIARE TE SHOQERISE***

##### **Neni 11**

E gjithë veprimtaria e shoqërisë për plotësimin e objektit të veprimtarisë së saj, pasqyrohet në bilancin ekonomik të saj.

##### **Neni 12**

Në selinë e shoqërisë mbahet dokumentacioni financiar, në bazë të të cilit, brenda datës 31 Mars të çdo viti nxirret bilanci.

##### **Neni 13**

Viti financiar fillon më 1 Janar dhe mbaron më 31 Dhjetor.

##### **Neni 14**

Shoqëria mban xhiro-llogaritë në Bankën Kombëtare Tregëtare shqiptare. Llogaritë mbahen në lekë dhe pasqyrohen në librat përkatëse.

##### **Neni 15**

Nga fitimet e realizuara gjatë vitit financiar, shoqëria, pasi bën zbritjet e humbjeve të vitit të mëparshëm, lë mënjanë 5% të fitimit, me të cilin krijohet fondi "Rezervë e domosdoshme", derisa ky fond të arrijë në masën 10% të kapitalit themeltar.



**Neni 16**

Ortakut të vetëm i takon fitimi neto që realizon shoqëria.

**KREU I PESTE**  
**DISPOZITA TE VECANTA**

**Neni 17**

Shoqëria ka vulën e vet dalluese.

**Neni 18**

Për plotësimin e nevojave të veta shoqëria mund të punësojë punëtorë të thjeshtë ose të kualifikuar, vendas ose të huaj.

Me sejcilin punonjës lidhet kontrata individuale e punës, në bazë të legjislacionit që rregullon marrëdhëniet e punës. Në kontratë shënohen detyrat dhe detyrimet reciproke. Për personat që do të merren në punë me detyra të veçanta lidhen kontrata individuale.

**Neni 19**

Në selinë e shoqërisë mbahet një rregjistër i posaçëm, në të cilin pasqyrohen vendimet që merr ortakut i vetëm si edhe administratorët jo-ortakë.

**Neni 20**

Në marrëdhëniet me të tretët shoqëria tregëtare private **"EDMELI" sh.p.k.** përfaqësohet nga administratori i saj z. **Sami JAUPI**, i cili në raste të veçanta mund të autorizojë persona të tjerë për ta përfaqësuar atë.

**Neni 21**

Mosmarrëveshjet që mund t'i lindin shoqërisë me persona fizikë ose juridikë, zgjidhen nga gjykatat shqiptare, përveç se në ato raste kur në kontratë është parashikuar ndryshe.

**KREU I GJASHTE**

**SHNDRRIMI, SHPERBERJA DHE PRISHJA E SHOQERISE**

**Neni 22**

Shndrrimi i shoqërisë **"EDMELI" sh.p.k.** në shoqëri të tipeve të tjera, kolektive ose me drejtim të thjeshtë, mund të bëhet vetëm me vendim të ortakut të vetëm.

## Neni 23

Shpërbërja e shoqërisë mund të vij në çdo kohë dhe për çfardo shkak, si:

- Humbja e kapitalit të shoqërisë,
- Pamundësi veprimi,
- Me vendim të ortakut të vetëm.

Në këto raste, pronari i shoqërisë vendos mbi mënyrën e likuidimit dhe cakton një ose më shumë likuidatorë duke iu përcaktuar dhe detyrat.

Administratori dhe likuidatori janë përgjegjës për rruajtjen e pasurisë së shoqërisë përderisa ajo t'u dorëzohet personave përkatës fizik ose juridik, duke likuiduar në rradhë të parë detyrimet ndaj personave të tretë që ka shoqëria.

Në rast se fondet disponibël, rezultojnë të pamjaftueshme, për shlyerjen e detyrimeve të shoqërisë, likuidatori mund t'i kërkojë ortakut themelues të shoqërisë që të derdhë kuotat që i takojnë atij respektivisht.

## DISPOZITA TE PERGJITHSHME

### Neni 25

Përsa nuk është shprehur plotësisht në këtë statut, referohen plotësimet që do të bëhen nga ortaku i vetëm themelues, si edhe ligjeve të veçanta të legjislacionit shqiptar.

Ndryshimet e plotësimet e këtij statuti bëhen me mënyrën dhe procedurën me të cilën nxirret statuti.

### Neni 26

Ky statut përpilohet në disa kopje për t'iu shpërndarë organeve kompetente dhe një kopje mbetet në dokumentacionin bazë të shoqërisë tregëtare private "**EDMELI**" sh.p.k.

## ORTAKU I VETEM THEMELUES I SHOQERISE

**"EDMELI" sh.p.k.**

Sami JAUPI

REPUBLIKA E SHQIPERISE  
NOTERIA E TIRANËS  
Nr. 528 Rep  
Nr. 22 Kol



Tiranë më 5.02. 1999

## VERTETIM

Vërtetohet se statuti i shoqërisë tregëtare private "**EDMELI**" sh.p.k. nënshkruhet prej ortakut themelues S. JAUPI në prezencën time dhe unë notere duke e gjetur atë të rregullt e nënshkruar.

